



Gancha kanta pa Kòrsou

Monica Mao Cheya

(NOOT: Koro ta rechts/kanta ta links)

Un kanto pa protekshon halsa bos ban kanta awo

-Gobi lebi lebi boto hiló

Bos di pueblo ta bos di dios ban kanta pa nos protekshon

-Gobi lebi lebi boto hiló

-Gobi lebi lebi boto hiló

-ganchá nos ta kanta

Den nòmber di Djo
yawalú sagrado
Oda na mi mama
kanta kantika na guine
yu di tera ban kanta
e respondi boka
halsa boso bos

-pa protekshon

Na kustia di kueru nos a siña
hóbennan yu di tera pa nan kanta
pa forsa legria i protekshon i gratitut pa e forsa i konekshon

-Kachu heru i kueru

Supla den kuater direkshon yama forsa djariba

Pa krea kantika di protekshon

-Protekshon pa Kòrsou

Ku kolosenshi mi ta kant'e, ku e bendishon di Dios,
Gancha kanta bos di pueblo ta bos di Dios

-Gancha ban kanta



**Gobi lebi lebi Boto hiló
He Kanto pa protekshon Halsa bo bos
Ban den Razjiman kanta ku bo ruman**

**-Gobi lebi lebi boto hiló,
un tabla tei bula awó!**

**Tata na mi e forsa sin mi ta sa
ku ta den bos e kos ta sintá
Bos di pueblo ta bos di Dios
Mi pueblo kanta ku mi awó**

-boto hiló - kanta bos di djo

**Kant'é, kanta Kòrsou
di pariba te pabou
pa un mihó kòrsou pone pia abou**

**brasa otro ban kanta
yama protekshon
brasa otro ban kanta
pidi iluminashon**

**tata selestial
iluminá nos bos
kanta den union
pa kosechá kos bon**

**kanta den union
ban biba mihó**

**ban den harmonia
ban kuida famia
ban den harmonia
kanta pa famia
ban den razjiman
gancha kanta pa Kòrsou**



-gobi lebi lebi boto hiló

**Brasa bo ruman ban kanta ku mi
pa protekshon di nos isla**

-gobi lebi hiló

**un dushi vibrashon
dushi sensashon
gancha kanta awo
dunami ánimo**

-gobi lebi 4X - gobi lebi lebi boto hiló

**gancha wapa kumi
kante boto hiló gancha wapa kumi**

**-gobi lebi 4X - gobi lebi lebi boto hiló
- Gancha Ta kanta**

**gancha wapa kumi
mira hende ayá**

**Gobi lebi lebi Boto hiló
E Kanto pa protekshon Hals a bo bos
Ban den Razjiman kanta ku bo ruman**

-Gancha ban kanta

Gobi lebi lebi Boto hiló

Final: Gobi lebi lebi Boto hiló , Ganchá nos ta kanta pa Kòrsou



Splikashon di palabra i konsheptonan usá den e komposihon akí:

Gobi lebi lebi boto hiló:

Kantika na gueni ku nos ansestronan sklabisá tabata kanta pa protekshon durante di nan huida for di kunuku. Pues nan tabata kanta e kantika akí komo un medio di protekshon pa shonnan no kapturá nan despues di nan huida.

Gancha: Otro palabra pa brasa òf tene otro

Kolosenshi: Ta un ekspreshon ku ta indiká ku un persona ta hasi un trabou òf ekspresá algu ku pèrmit i bendishon di su grandinan òf ansestronan. Por ehèmpel un hóben ta sa sali kas ku kolosenshi di su mayornan. Pues pèrmit di su mayornan. Pero kolosenshi ta un pèrmit ku nos maestronan, guianan i ansestronan ta duna nos.

Ban den razjiman: Ban na bòshi, hopi hende huntu na trupa.

Yawalú sagrado: Ta nifiká variashon di melodeia durante di kantamentu.

Variashonnan inspirá pa e herensia afro-korasoleño